

支那
撰述

廣弘明集

十七之八

內閣文庫		
函	冊	號
四	三	三
架	冊	類
		漢書

內閣文庫		
函	冊	號
三	二	三
架	冊	類
		漢書

內閣文庫		
番號	漢	3312
冊數	20	(9)
函號	311	60



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



廣弘明集卷第十七

佛德篇第三之二

列塔像神瑞迹

并序

余以佛化隄封三千園內近對小識且局南洲斯則
通計神州咸蒙聲教神蹤遺跡閉在幾初前漢已來
相從間出劉向校書天閣往往見有佛經赤縣山裂
水開時時瑞像來現或塔由地踊或佛降因空事緒
繁委略標十數有未見者須顯其相云略列太唐育
王古塔來歷

淺草文庫

唐終南山釋道宣集

越州東三百七十里鄧縣塔者西晉太康二年沙門
 慧達感從地出高一尺四寸廣七寸露盤五層色青
 似石而非四外雕鏤異相百千梁武帝造木塔籠之
 八王自舉巡州里今見神瑞光聲聖僧備如別傳
 鄭州超化寺塔在州南百餘里基塹遍今寺院並古
 時石砌合縫甚密鐵爲細要其石長八尺四面細要
 長一尺五寸深五寸石下並泥塔南基出泉十餘所
 徑三尺涌而無聲永微中有崑崙入泉向下窮之但
 有石柱羅列竟不測其際中有石塔在空水凝而不
 及

冀州舊魏州者臨黃縣西北三十里有育王舍利寺近爲

尼住寺有古塔編石爲基從水底出塔三面水極深

唯西面通行往足有蓮藕人畏之無敢採捕

岐州岐山南岐山縣北二十里法門寺塔在平原上

古來三十年一度開開必感應顯慶五年敕令僧智

琮往請有瑞令開蒙光明照燭道俗通見乃掘出進

內龍朔二年還返故塔其舍利如大人指節骨長二

寸許其內孔方色白光明如別圖狀

益州成都郭下福感寺塔本名大石寺隋初洗律師

尋其古迹欲尋其舍利掘至泉源唯是一石見於其

支那
 廣公明集卷十一
 二
 給七

上架九級木浮圖備有靈相隋蜀王秀又掘之至泉風雨至不可及際於傍破得一片石出乃是鑿玉今見存

益州北百里洛縣城北鄆下寶興寺塔其寺本名大石其事大同福感

益州西南百餘里晉源縣等衆寺塔略同於上

潤州江寧縣故都朱雀門西南古越城東廢長干寺

內昔西晉僧惠達感光掘之一丈得三石匣中有金

函盛三舍利并髮爪其髮引可三尺放則螺旋今有

瓦塔三層并刹佛殿餘但榛木大蟲登基穢汚者被

打號叫驚人或有死者

懷州東武陟縣西七里妙樂寺塔方基十五步并以

石編之石長五尺闊二寸已下極細密古老傳云其

塔基從泉上涌出云

瓜州城東三里有土塔周朝育王寺今廢唯有遺基

上以舍覆四畔墻市時見光明公私士女往來乞福

青州臨淄城中有阿育王寺其形像露盤在深林巨

樹下昔石趙時佛圖澄知之令往取入地二十餘丈

獲之

河東蒲坂有育王寺時出光明姚秦時掘得佛骨於

石函銀匣中照耀殊常

并州子城東育王寺者今見尼住為淨明寺失基所在

并州榆社縣郭下育王寺小塔見有僧住

代州城東育王塔

洛州故都西白馬寺南一里育王堆

甘州東百二十里刪丹縣城東弱水北土堆古老云

育王古塔

沙州城內廢大乘寺塔基云是育王塔

晉州北霍山南土堆古老云是育王寺塔已前諸塔並是姬周

初有大輪王名為阿育此曰無憂統臨此洲萬有餘國役使鬼神之日而造八萬四千塔此土有之每發神瑞廣如感應傳

揚州育王金瑞像者吳孫皓時後園所獲皓初蔑而穢之腫痛遍身太史占曰犯大神也皓謝之有間因

爾開信

吳郡松江浮水石像二軀昔西晉建興中像浮松江有居士朱應接而出之舉高七尺於通玄寺視背有

銘一名惟衛二名迦葉

荆州長沙寺瑞像者東晉太元初見於州城北行人異之試以刀擊之乃金像也長沙寺僧迎至寺光上

有梵書云育王所造梁武聞迎至都大放光明及梁滅迎上荆州至今見存歷代光瑞不可備載如別所顯

荆州大明寺檀優填主像者梁武帝以天監元年夢見檀像入國乃詔募得八十人往天竺至天監十年方還及帝崩元帝於江陵即位遣迎至荆都後靜陵側立寺因以安之

揚州長干寺阿育王像者東晉咸和中丹陽尹高悝見張侯浦有光使人尋之得一金像無光跌載像至長干巷口牛不復行因縱之乃徑趣長干寺後數年

東海人於海獲銅趺浮水上因送像所果同後四十年南海獲銅光於海下乃送像所宛然符合自晉宋齊梁陳隋唐七代無不入內供養光瑞如別今在京師大興善寺模寫殷矣真身在廬山峯頂寺

涼州南百里崖中泥塑行像者昔沮渠蒙遜王有涼土專弘福事於此崖中大造形像千變萬化驚人眩目有土聖僧可如人等常自經行無時暫捨遙見便行人至便止觀其面貌如行之狀有羅土於地者後人看足跡納納今見如此

襄州檀溪寺金像行者東晉寧康中沙門釋道安之

所造也及成就已乃行至萬山明迎返寺其夕又出
 至寺門至山蹋石現一足相周武滅法鎮副長孫哲
 志性元鱗先欲除毀令百人以索繫頸挽之不動哲
 大努力至加五百人方倒震地哲喜落馬尋卒當毀
 像時於腋下倒垂衣內銘云此像三周甲午當滅勸
 以長曆大略符焉其所蹈石在本寺今名啓法是也
 涼州西番禾縣瑞石像者元魏太延中沙門劉薩訶
 行至番禾東北望御谷山而禮曰此山中有佛像出
 者若相不具國亂人苦經八十七載正光年初風雨
 震山挺出石像長一丈八尺形相端嚴唯無其首登

即命造隨安隨落魏道陵遲分東西矣後四十年州
 東七里澗內獲石佛首即以安之恰然符合周保定
 中像首又落隋初還復立瑞像寺煬帝西征過之改
 為感通寺今圖寫多依量模准

京師崇義寺石影像者形長八寸徑五寸八楞紫石
 英色梁武太清中有僧從外國將來遇亂安廬山像
 頂上隋煬在蕃鎮江陽見別記往求得之及登儲貳
 送於曲池日嚴寺寺廢入崇義寺京師道俗咸就見
 之往往不同見佛見神山林幢蓋者前後異等貞觀
 十年敕迎入內

坊州玉華宮鐵礦瑞像者周武滅法有姜明者督事
夜行每見山上光明旦往尋之有臥石狀如像便斲
掘四邊乃是鐵礦不可傷損舉身三丈谷中有跌乃
共村人初舉忽然下流徑趣跌孔卓然特立以狀聞
奏時天元嗣曆改元大像敕其處爲大像寺因開佛
法隋初改爲顯濟寺太宗在宮時往禮謁莊嚴修飾
在宮東三十里大苑內永徽中改宮立寺陰闇之夕
每放光明

襄州峴山華嚴寺盧舍那瑞像者本是周朝古像法
滅藏之得存每有凶相以涕出爲期隋文將崩一鼻

涕出沾汚於懷金薄剝起雖後修飾望還如涕貞觀
末年四月內連涕不止塗汚曾懷方可尺許太宗升
遐方驗先兆至六月內涕又流出合境同懼至七月
洪水汎溢入城郭深丈餘今見在

陳朝重雲殿飛入海者此殿梁武所立中安像設並
是珍寶梁謝陳登武帝旣崩須葬具欲取殿中珠帳
人力旣豐四面齊至忽見雲氣圍繞大雨滂注雷電
震擊百士奔走又見火列空中布燄相屬重雲大殿
其中佛像一切上騰煙火相扶欻然東逝傾國上望
絕目方止雨晴即日惟礎在焉月餘有人東州來是

日見殿乘空入海今望海者時往見之元魏洛京永寧塔天震東海其事略同

江州廬山文殊師利瑞像者昔晉名臣陶侃建旛南海有漁人見海濱有光白侃令尋之俄見金像陵波趨船接銘乃育王所造文殊也送往武昌寒溪寺後遷荊州迎像上船船即沒水遠法師迎入廬山一無有礙今在山東林重閣

渝州西百里相思寺北石山上有佛跡十二枚皆長三尺闊一尺一寸深九寸中有魚文在佛堂北十五步見有僧住

循州東北興寧縣靈龕寺北石上佛跡三十餘大者長五尺已下京師大興善寺大有靈瑞佛像佛骨佛齒等

撫州顯慶年中有潭州行像自移來州東二十里山中道現兩迹長三尺相去五百餘步初不知其來有人尋山見怪通告遠近將移就寺不動刺史已下官人酷旱步至像所請還州寺三人捧之至州隨行雲布當夜大澍遂以有年今在撫州

隋時蔣州興皇寺佛殿被焚中文六銅像正當棟下及火發棟墜像自移南五六尺許形得安全四面瓦

土灰炭去像五六尺曾不塵玷唐武德初於秦皇寺
重被焚燼金色宛然玉毫無毀今在白馬寺鳥雀所
不侵陵

簡州三學山寺有佛跡每夜神燈在空遠見近滅至
六齋夜其燈則多

坊州玉華寺東北慈烏川武德年中居人郝辯者素
有信向每見鹿羣常居山側異之遂掘其處得石像
一軀高丈四五乃移出在州中家內其相大同玉華
寺東者古老傳云迦葉佛時此山所藏者四十餘軀
今有二現餘猶未出

涼州山
現迹同

邢州沙河縣四面銅佛者長四尺許隋初有入山
見僧守護此像因請供養失僧所在其人欲負將出
而不動諸處人聞助曳亦然沙河寺僧常之試引輒
行至寺後人於寺側獲金一塊上有一鳥形銘曰擬
鑊四面佛因度之佛形上遍是鳥影隋後王聞有瑞
迹遣工冶鑄效之鑄卒不成終有缺少經二百日乃
止今在寺中

已前神塔瑞像開俗引凡未深明者由
茲發信既信殊相方能攝心披經討論
資啓神解方知四魔常擾六賊恒陵覺而且怖超方
有日不爾沈淪還同無始弘明之道豈其然哉至於
經卷不灰乃符火浣之布書空不濕便同天蓋之靈
聖寺屢陳鐘聲流於遠近神僧數現受供通於道俗
斯途衆矣備
於感通記中

牙像詔

梁武帝

大同四年七月詔曰天慈普覆義無不攝方便利物
 豈有方所上虞縣民李胤之掘地得一牙像方減二
 寸兩邊雙合俱成獸形其內一邊佛像一十二軀一
 邊一十五軀刻畫明淨巧迹妙絕將神靈所成非人
 功也中有真形舍利六焉東州昔經奏上未以為意
 而胤之銜愆縲繼東治真形舍利降在中署光明顯
 發示希有相大悲救苦良有以乎宜奉佛力弘茲寬
 大凡天下罪無輕重在今月十六日昧爽已前皆赦
 除之即日散出奉迎法身還臺供養

出古育王塔下佛舍利詔

大同四年八月月犯五車老人星見改造長干寺阿
 育王塔出佛舍利髮爪阿育鐵輪主也王閻浮一天
 下二日夜役鬼神造八萬四千塔此其一焉乘輿幸
 長干寺設無礙法喜食詔曰天地盈虛與時消息萬
 物不得齊其蠢生一儀不得恒其覆載故勞逸異年
 灌慘殊日去歲失稔斗粟貴騰民有困窮遂臻斯濫
 原情察咎或有可矜下車問罪聞諸往誥責歸元首
 寔在朕躬若皆以法繩則自新無路書不云乎與殺
 不辜寧失不經易曰隨時之義大矣哉今真形舍利

復現於世逢希有之事起難遭之想今出阿育王寺設無礙會耆年童齒莫不欣悅如積飢得食如久別見親幽顯歸心遠近馳仰士女霞布冠蓋雲集因時布德允叶人靈凡天下罪無輕重皆赦除之

上菩提樹頌啓

并敕

梁簡文帝

臣綱言臣聞擊鼓小唱有慕風雅巴人淺曲實仰陽春是以葑葵細葉猶傾朝景燭火微光不能自息伏惟陛下至德欽明玄猷廣運乃神乃聖道跨軒媯正覺正真功符圓極常住為樂法喜為甘慈雨被於無垠睿化覃於幽顯故八風調四氣正天下定海外安

弘龍窟之威紹鷲山之法無為不住實愍蒼生無相乃宣引歸真域製茲道樹顯比金容使誓願者結因頂禮者增福會途已一古今誰一伏以器表承露東阿薦銘瑞啓黃龍中山興頌臣雖不敏實有愚心謹上菩提樹頌一首學謝稽古思非沈鬱不足以光揚盛德髣髴一隅顧而芻言伏紙慙震謹啓
手敕省啓覽所上菩提樹頌摺採致佳辭味清淨仰讚法王稱歎道樹意思口說乃至手書極得三業之善但所言國美皆非事實不無綺語過也越敕

菩提樹頌

并序

竊以因緣假有衆生之滯根法本不然至人之妙理
 是以三界六趣遶業障而自迷八解十智導歸宗而
 虛豁是以能仁大師隨緣布道愍憐宅之既焚傷欲
 流之永驚託白淨之宮照黃金之色居茲三惑示畫
 篋之非真出彼四門驚浮雲之易滅於是佛日啓法
 雷震設漸教降權迹三寶現世一道知歸大接羣蒼
 救茲未度法雨法水之潤等世界於無邊智燈智炬
 之光同虛空於莫限物因難量化緣將息林開白樹
 日映青枝悲哉六識沈淪八苦不有大聖誰拯慧橋
 皇帝體乾元之淑德含天地之純誠照玉鏡之神握

太平之運吞虞孕夏罩漢籠周御六氣而子蒼生扇
 二儀而布亭毒緯樂經禮偃武修文秋荼不設廢九
 律之嚴科春雨愛生解三驅之密網固以咸池之靈
 自失汾水之德知慙少陽懋善於元真蕃臣燮和於
 槐衮八凱三座九棘四科之士內宣王事運策橫行
 專城推轂之將外守封疆一同文軌萬方共貫穿箇
 鏤臆之首短身長臂之師南越鑠右北極天沙東邁
 日枝西踰月紀莫不梯峯挂迥越繩度之山航海跨
 深汎浮毛之浪奉方入貢進忠請職獻同心之鳥貢
 比肩之獸爾乃嘉祥競發寶瑞咸委靈芝滴露月萃

郊園義鳳仁虎日聞郡國如珠如璧既照燭於中畿
 若雲非雲亦徘徊於宮雉於是驅黎民於仁壽濟動
 植於幽隍歲樂民殷家給戶足斑白不提挈童稚有
 謳歌從善如流應風猶草開農務本鑄刃銷鋒紅粒
 盈箱青畝委貫上照天下漏泉天既成矣地既平矣
 天子乃均一子愍四先示正行之因標出要之路廣
 設道場大弘妙法涅槃寶棹接惑衆於背流慈悲光
 明照羣迷於未曉法輪遍乎大千清涼被於小葉故
 天人舞鳳去照園而讚善菩薩飛象越香土而來儀
 五百寶蓋騰光自合十千纓絡懸空下墜龕室莊嚴

國界殊特製三時之殿聳四柱之臺雖漢后望神之
 宮軒轅待仙之觀會何足擬髣髴寶雲儀形等覺於
 是想成道之初建菩提之樹四海呈珍百工薦巧雕
 金鏤碧綴鏡懸珠製似雪山形同飛蓋四布垂陰五
 面益物名高滿月德踰普覆並豔千光之樹連英五
 色之華壁日垂彩玉帶生煙微風徐動寶枝成樂儼
 然妙色蔭此曲枝顯若金山尊如聚月信女百味之
 初諸天四鉢之狀散漫祥草連翩青雀伏吐電之魔
 却擔山之鬼竒姿瓌質不可勝言此實生善之妙緣
 進行之深福當今盛美曩代未聞方應照德不窮懸

諸日月巍巍永樂萬萬斯年敢作頌曰
綿史載觀靈篇眇鏡寶冊歲蕤帝圖掩映焉紀稱祥
龍書表慶九州布德五絃作詠蒸哉至矣有梁啓聖
功覆終古業高受命金輪降道玉衡齊政無思不服
有德斯盛一乘運出五眼清淨稟識康歌昆蟲得性
舜廚靈蓮堯庭神莢豈如道樹覆潤弘泱靡密垂光
芬芳委疊時動百華乍開千葉現彼法身圖茲瑞牒
海度六舟城安四攝惠澤旣播淳風普叶休明智境
清明法泉百神嗟仰千佛稱傳榮光動照玉燭調年
菩提永立波若長宣穆穆明后萬壽如天

唱導文

在藩作

夫十惡緣巨易惑心塗萬善力微難感靈性是以摩
鉗赴火立志道場薩埵投身必之妙覺衆生積染流
浪不歸苦海易沈慈波空蕩渴愛與生死共門無明
與結網同路各趣百非纏茲四苦人思戮力昭彼三
明是以如來因機致化如大醫王隨病施藥當今皇
化之基格天網地扇仁風於萬古改世季於百主覆
載蒼生慈育黎首天涯海外奉道餐風抱嗟吹唇含
仁飲德民無賢肖愛均一子衆等宜各克已丹誠澄
心慊到奉爲至尊敬禮娑婆世界釋迦文佛歡喜世

界栴檀德尊水精刹土月電如來寶明世界山海慧
 佛奉願聖御與天地比隆慈明與日月齊照九有被
 康哉之澤八方延仁壽之恩玉燭之美日著遐方擊
 壤之歌遍聞天下敬由心起五體所以外恭情發於
 中六識所以單到故一善染心萬劫不朽百燈曠照
 千里通明憑法致安積善延慶今日幸遇茲訓誘豈
 得不聲竭心途奉為皇太子敬禮東方寶海南方燈
 明西方無量壽北方相德奉願離明內映合璧外和
 玉震雲浮金聲海鏡日朝顏色四善流風既擅溫文
 之德實著監國之重蒼生飲德有識餐仁燮和內化

事炳周經讚德合章訓高博史故以配正奉天表七
 教於仁德宣風緝惠闡六服於溫慈各宜攝心奉為
 貴嬪歸命敬禮五十二佛三十五尊當來賢劫千劫
 在百七十奉願月相與萬善同休金聲與四時並祐
 與七覺以炳照固十智於常樂闡守奉仁宮儲欽德
 暉同疊壁煥若崑瓊蓋聞高高惟嶽作屏皇家宗子
 維城克固磐石所以成均魯衛任等蕭曹三台正席
 坐而論道九棘勤王恪居連事宜各運心奉為臨川
 安城建安鄱陽始興豫章又南康廬陵湘東武陵諸
 王家國戚屬六司鼎貴歸命敬禮舍利形像菩提妙

塔多寶踊現釋迦碎身奉願心鏡凝深身清岳峙克
 隆帝圖永茂皇枝衆各一心歸命三寶三界異術五
 道分逕天人植業各歸一果鬼神牽報事炳冥途土
 善華果既乖正力五濁煩心彌多惱累雖復聰明正
 直三牲之祀未虧陰陽不測六根之滯猶染衆等宜
 各露誠逮爲天龍八部護塔善王乃至脩羅八臂摩
 醯三目盡爲敬禮尊經正典清淨波若究竟涅槃法
 華會山之文淨名不二之說願一切善神永斷無明
 長遵正本臥處寶宮坐甘香積帝釋淵廣泛般若之
 舟淨居深沈駕牛車之美澤及三界明照四天大悲

拔苦事炳前經弘慈與樂義高名訓是以靈權降迹
 出沒不同菩薩位懷顯晦多術無邊劇惱扇八苦於
 脩途有縛纏情繞六趣於危道金瑣玉牀猶念解脫
 彫珠飾綺不及塗中至如飄颻熱風滄浪冰水暗室
 千重黑城百仞鐵輪碎骨銅柱焦腸傷出刀峯橫抽
 劍鏑如斯衆苦尤爲險脆一息不追則萬劫永別刹
 那暫斷則千代長離相與共託閻浮泡生幻處危脆
 之質有險蜉蝣風電之馳誠難可駐况復三相併感
 二鼠攢危毒箭惡蛇尤爲可畏庶憑正法拔茲累染
 長享百福永斷六塵對至無強唯佛可恃今爲六道

四生三途八難慈悲懇倒一心遍禮十住菩薩三行
 聲聞禮救世觀音獻蓋寶積西方大勢東國妙音四
 辯淨名二土螺髻珠頂善宿彌勒文殊金剛藏解脫
 月棄陰蓋常舉手十大弟子五百羅漢願囹圄空虛
 疾惱消息城中百縣方外千城凡在幽執一同寬蕩
 人協覆蛇俗化匡蟻類服鳩之不死同拔劍之無傷
 含生不縷轉死自溫渭橋日飽翳桑無餓打塞三塗
 填碎地獄破魔兵衆壞生死軍閻羅發十善之心牛
 傍啓五戒之業如魚少水若鴈窮林一聽法音即捨
 穢質人運五體歸命三寶

禮佛唱導發願文

王僧孺

夫至覺玄湛本絕聲言妙慮虛通固略筌象雖事絕
 百非而有來斯應理二四句故無感不燭皇上道照
 機前思超繫表疑神汾水則心謝寰中屈道軒丘則
 形勞宇內斯乃法忍降迹示現閻浮之境大權住地
 俯應娑婆之域故欲洗拔萬有度脫羣生濯淨水於
 寶池蔭高枝於道樹折伏攝受之仁遇緣而成拯苦
 言教語之德有感而斯唱日用不知利益莫限衆等
 相與增到奉逮至尊五體歸命敬禮云仰願皇帝
 陛下至道與四時並運玄氣與八埏共廣反淳源於

三古捨澆波於九代至治已觀於今日大道復屬於此時虎豹蹈而不驚虺蛇蹶而莫噬埋金坻玉毀契焚文嘉禾生醴泉出金車玉馬自相暉曜玄鶴丹鳳飛鳴來往光景之所照燭舟車之所驅汎莫不屈膝係頸迴首革音入待藁街迎拜渭水與天地而長久等金石而逾固中岳可轉長河有清而我聖皇愈溫愈粹不言而化行無為而教肅

夫道備監撫望表元良察遠知微貫宗句極不勞斧藻無待審論況復靜悟空有同觀真俗能行能說既信既持眾等齊誠奉逮儲君殿下歸命敬禮云云仰

願皇太子殿下厚德體於蒼蒼廣載侔於礚礚前星照曜東離煥炳淑聞自遠和氣熏天異才爭以端人並至玉體怡情金聲妙越

夫茂實英聲道周德廣秉珪襲袞之貴坐槐憩棠之尊猶應共惜東暎俱吝西嶠悟蕉蘆之非實知鏡月之虛銜信秉電之不留驗畫水之隨合唯宜照之智炬灌以寶瀾增此睿根成斯妙植又各增到奉逮大尉等諸王殿下歸命敬禮云云仰願諸王既明且哲聲跨於河楚令聞令望道均於日與德貫右戚義藹周親作鉉則與三羅相終臨岳則與四維等固若彭

涓之遐永譬松筠之貞悅
夫天枝峻密帝業英芬莫不玉震蘭搖金鏘桂縹覩
寸文而驗錦觀一毛而測鳳並能才高銅雀詞富雲
臺彬彬疊疊超超灼灼以斯勝善奉逮諸王殿下歸
命敬禮云仰願諸王殿下穆穆與清風並扇英英
將白雲共朗永鐘清社長享元吉出牧則聲高民上
入朝則譽光物右德重山王智超海藏鏗鏘麗於珠
樹皎鏡光於玉田
夫道流雲幄德感椒闈必以前藉勝因宿稟嘉數况
重霑法雨更披慧日雖異姜后解珥請罪於周主不

待樊姬捨肉有激於荆后而遵恭儉去嗜欲棄彫
撤靡麗了心不滯正見無疑眾等齊誠奉為六宮眷
屬歸命敬禮云願六宮眷屬業華姬日聲麗焉辰
震彩鑄圖傳芳詩史位齊寶印行等月光具六神通
得四無礙

夫稟閒明之德懷深妙之心豈非修習有本故能依
止無倦義典等諸公主忘斯華重甘此翹到並宿世
之所記別故現前所以信了影響至真寤寐玄極人
各增到仰為諸公主歸命敬禮云願諸公主日增
智性彌長慧根四攝四依已尊已蹈七善七定靡退

靡輟盛此王姬光慈帝女三身湯沐與河山而同固
永服緹綺貫寒暑而無窮

夫三相雷奔八苦電激或方火宅乍擬馱河故以尺
波寸景大力所不能駐月御日車雄才莫之能遏其
間飲苦餐毒抱痛銜悲身口為十使所由意思乃八
疵之主眾等相與彼我齊到懺悔業纏無始已來至
于今日所為十惡自作教他見善不讚聞惡隨喜焚
林涸澤走犬揚鷹窮鄭衛之響極甘旨之味戲笑為
惡倏忽成非侮慢形像陵踐塔寺不敬方等毀離和
合自定權衡棄他斗斛愧心負理味主欺親雖七尺

非他方寸在我而能性其情在久未易恣此心口眾
罪所集各運舟懇五體自投歸命敬禮云願現前
眾等身口清淨行願具足消三障業朗二達智五眼
六通得意自在云

懺悔禮佛文

王僧孺

夫有非自有有取所以有無非自無無著所以無故
有取之感興倏成萬累無著之念起一超九劫是知
道之所貴空有兼忘行之所重真假雙照稟氣含靈
莫聞斯本宵形賦影靡測由來故發茲識窟猶綿蒙
其莫辯導此愚相尚窈冥云未悟茫茫有同暗海幽

幽實在危城業風榮薄三有長驚惑水遭迴二死相
 屬以苦捨苦從暗入暗尋本不離色心即事莫非生
 滅是用抱此纏蓋輪迴生死恣其六愛興其八邪或
 狙詐而克冒乍仁義而溘死或才均智等此賤彼豪
 或共日並時人升我墜唯言報施寂寥不知因對皎
 徹曩緣今果過現殖成有如符契不謬毫髮而欲以
 促生運其長術浮命迴其冥數當知刹那交謝瞬息
 不留東博纔吐西崦已仄譬閔川之駛流若栖葉之
 輕露偽城易弛毒樹自攻若非假實兩明真俗俱辨
 豈能寫誠迴向刻意修習不退不沒愈堅愈固南平

大主殿下含辰象之正氣畜海嶽之淳靈宿侍八恒
 早遊七覺藉妙因於永劫招勝果於茲地若真金之
 愈鑿美玉之載琢是用未積已散不藏而捨故今式
 招靈指仰屈神儀建此齋肅譬茲關捷盛來緇素濟
 濟洋洋名香遍室寶華覆地高梵宛轉寧止震木遏
 雲清桴遙奕非直騰魚御馬仰願四部至誠五體歸
 命東方云願大主殿下五畏內遣十力外扶百福
 莊嚴萬社周集愕夢無忤其慮甘寢有恬其神更闢
 寶衢愈興慧業
 夫玄極凝淡非學者所窺少本難思豈行人能測是

以十地云觀有羅殺之疑。乘稱見懷狂羊之感。自非鑿窮機覺照極冥。虛窮理盡性體元含。一安能濟世仁壽拯物。貼危道包碧海聲高。赤縣昔堯曠唯在。卽世舜黑不兼來果。四巡疲於禹迹。六事倦於湯身。並域中之勤勞。方內之成益。豈有度元元於苦海。拔冗冗於畏塗。運神力震法吼。究香城之妙理。窮金河之奧說。慧高龍樹。智出馬鳴。必欲洗濯臣民。獎導緇白。天覆地養。水產陸生。咸降慈悲。悉蒙平等。奉爲皇帝陛下儲君太子歸命敬禮。云云仰願皇帝陛下景祚與七政相齊。皇基與一曜均永。地平天成。樂和禮

洽玉燭道正。氤氳無爽。條風祥雨。膏潤相屬。却馬偃伯。鑄戟銷戈。南泊北臨。西被東漸。灑甘雨布。慧雲唯繩。可結在冠。已盡唐哉。皇哉爲導。爲首又願。皇太子殿下睿業清暉。與貞明而並燭。粹範溫儀。從嵩霍而俱峻。聲出姬誦。道越漢莊。永沐智水。長照慧日。上妙居身。至仁在己。白雙樹八枝。潛光匿曜。寶城不闢。慧扇方掩。而聖后驚法輪於長路。棹寶舟於遙壑。道漆入祇福隆。桃墀肅事。園寢虔奉。宗祐藉斯。妙果奉逮。七廟聖靈。歸命敬禮。云云仰願重明累聖。倏然如在。騰神淨國。總駕天宮。託化金葉。遨遊寶殿。

撰述

夫誠心內惻則至覺如在形力外殫則法身咫尺步眾
等相與增到為諸王兄弟妃主戚屬歸命敬禮云
願諸王殿下裂壤盛於諸姬磐石過於隆漢德高譽
衛義重間平論道則百辟依風作翰則羣黎仰化弘
闡至教紹隆季像第內少長竝膺此多福若百華之
春麗譬萬寶之秋成信解堅深翹向無意
夫小乘志劣事唯一已大士意均乃包六趣今日檀
主信等明珠無勞傍鏡質同挺玉不待外光常欲物
我均心怨親等觀眾等各歸誠為二十八天四王釋
梵人間貧病地獄辛楚敬禮尊儀靈像菩提寶塔云

大乘奧藏妙法深經大身無邊身大力無量力四向
四果八賢八聖願六氣氤氳四序熙穆至治光萬宇
玄化洞九幽襲介披鱗濕生卵化八苦六窮三塗五
道俱蒙惠利竝識遵依刀林輟刃劍樹摧險迷域開
道直指四衢閭室生明大啓三曜俱向道場同登種
覺

初夜文

王僧孺

夫遠自無始至於有身生死輪驚塵轍莫之比明暗
逝來薪火不能譬逝水非駛千月難保蓼虫習苦桂
蠹喜甘太睡劇於據梧長昏甚於枕麴義非他召事

支那


卷之三

二十三

合七

實已招曾不知稟此形骸所由而至將斯心識竟欲
 何歸唯以勢位相高爭驕華於一日車徒自盛競馳
 驚於當年莫不恃其雄心壯齒紅顏緇髮口恣肥醲
 身安輕靡繁絃促柱極滔湮而不厭玉牀象席窮靡
 曼而無已謂悲泉若木出沒曾不關入蹲烏顧兔升
 落常自在彼殊不知命均脆草身為苦器何異犬羊
 之趣屠肆麋鹿之入膳廚秋蛾拂燄而不疑春蚕索
 絲而靡悟未辨先對不識因習及其一觸畏途孟門
 非險輟裂肢解方斯不臻其痛斷趾鑿肩比茲未極
 其苦輪迴起伏杳杳悠悠是以天中之天降悲提引

壅夏河之長瀉撲秋原之猛燎或同商王乍等醫王
 形遍三千教傳百億或恣其神力或寂諸梵境言則
 三塗離苦笑則四生受樂乃應病投機解紛說理制
 之日夜稱為八關以八正鑰為法關捷斯實出世之
 妙津在家之雄行眾等相與運誠奉逮南平王殿下
 歸命敬禮云云仰願大主殿下睿業清暉與南嶽而
 相固貞心峻節等東溟而共廣萬累煙消百災霧滅
 巧幻所不惑彊魔莫能燒逐慘舒而適體瞻暄涼而
 得性自稟儀天之氣永固膳衛之道得六神通力具
 四無礙智夫日在昆吾則慮繁事擾景落濛汜則神



靜志怡，璧月珠星，含華相照，輕雲薄霧，朗然自戢，鳴鐘浮響，光燈吐輝，法幢卷舒，拂高軒而徐薄，名香郁馥，出重檐而輕轉，金表含映，珠柱洞色，沉復天尊，端疑威光，四照煥發，青蓮容與，珂雪覺祇衛之咫尺，若林園之斯在，大招離垢之賓，廣集應真之侶，清梵含吐，一唱三歎，密義抑揚，連環不輟，南平王體得機之敏，資入神之微，抱德含和，經仁緯義，善無細而不窮，累有輕而必捨，受同虛籥，照如懸鏡，忘魯衛之尊高，略附萼之華重，建希有之勝席，臨難遇之法場，相與五體歸命，敬禮云云。仰願大王殿下入不二門，登二

相道德階不動，智超遠行，洋溢德聲，與八風而共遠，優游玉體，等六律而相調，餐雪山之良藥，挹靈城之甘味，袞服瓌珪，與四時而永久，朱輪緹幟，貫千祀而常然。

廣弘明集卷第十七

音釋

墟 音隻 基 壑 烏 兮 切 榛 勛 臻 切 木 悝 苦 回 切 斲 音 卓 址 也 美 石 也 叢 生 貌 切 斲 音 卓 峴 形 顯 切 旗 音 余 旌 屬 縲 繼 也 繼 力 追 切 黑 索 斲 音 卓 峴 山 名 錯 集 曰 縲 繼 也 繼 音 薛 繫 也 葑 封 菜 媯 俱 為 切 舜 居 媯 捃 居 運 切 變 蘇 協 切 滴 以 律 菜 媯 內 因 以 為 氏 捃 拾 取 也 變 和 也 滴 以 律 唌 音 素 鈺 各 切 脆 此 芮 切 物 埏 時 連 切 躐 知 履 玩 也 鋒 鈺 也 易 斷 也 埏 地 際 也 躐 切 履

撰述

廣弘明集卷第十八

二十五

六十一

也抵音底擲也音底爽詩亦切召音辱縻音辱繁音辱耳而志切溘音辱也音辱

也奄音辱搏音辱日音辱出音辱處音辱崦山名日音辱入音辱處音辱仄音辱側音辱日音辱捷音辱展音辱

拒音辱門音辱木音辱桴音辱擊音辱鼓音辱杖音辱也音辱愕音辱五音辱各音辱穀音辱胡音辱谷音辱切音辱帖音辱危音辱也音辱

祧音辱壇音辱善音辱去音辱壇音辱為音辱壇音辱除音辱地音辱祭音辱也音辱僂音辱佛音辱也音辱徇音辱溼音辱他音辱

音因音辱漫音辱也音辱溼音辱濛音辱汜音辱濛音辱汜音辱日音辱落音辱之音辱處音辱柎音辱之音辱足音辱也音辱緹音辱

也音辱幟音辱昌音辱志音辱切音辱旗音辱也音辱德音辱與音辱

徑山寂照庵自刻

廣弘明集第十七卷

楚襄釋性融對長洲徐普書真州劉文元刻

萬曆辛亥歲季冬識

廣弘明集卷第十八

唐終南山釋道宣集

佛德篇第三之三

奉阿育王寺錢啓

梁簡文帝

臣諱言臣聞八國同祈事高於法本七區皆蘊理備於涌泉故牙牀白繖無因不覩金瓶寶函有緣斯出伏惟陛下懸天鏡於域中運大權於宇內三有均夢則臨之以慧日百藥同枯則潤之以慈雨動寂非已行住因物無能名矣臣何得而稱焉故以照光赤書則前史之為瑞珥芝景玉嗤往代之為珍難遇者乃

支那

廣弘明集卷第十八

六十一

如來真形舍利照景蜜瓶浮光德水如觀鈎鎖似見
 龍珠自非聖德威神無以值斯希有天人頂戴遐邇
 歸心伏聞阿育王寺方須莊嚴施用萬金檀豐十藏
 寶陳河府泉出水衡比丘持土大厦方構羅漢引繩
 高塔將表不勝喜抃謹上錢一百萬雖誠等散華心
 荷不盡而微均滴瀝陋甚隣空輕以塵聞伏啓悚汗
 謹啓

謝敕苦行像并佛跡等啓

簡文帝

臣諱啓舍人顧康奉宣敕旨以金銅苦行佛并佛跡
 供養具等賚使供養伏以六年道樹超出四魔千輻

足輪德圓萬善故能聞見悟解逢遇祛塵天聽恩隆
 曲垂獎被謹修飾欄宇齋潔身心翹仰慈光伏待昭
 降千唱四辯尚不宣心輕毫弱簡豈能陳謝不任下
 情謹啓事謝聞謹啓

謝敕參迎佛啓

臣諱啓王書周昂奉宣敕旨曲賚恩參臣卽爾到建
 元寺奉候法身金山戾止王人勞問榮恩頻疊啓謝
 無辭不任下情謹啓事謝聞謹啓

答敕聽從舍利入殿禮拜啓

臣諱啓舍人王景曜至奉宣敕旨曲垂逮問并聽臣

隨從舍利入殿禮拜謹奉秋色照澄預表光瑞臣比
身心得無障惱明陪扈寶函謹鞠躬恭到但不生羽
翼無假神通身升淨土高排閻闔足踐蓮華方茲非
喻升躡寶梯比斯未重誘導殊恩實迴始望顧茲塵
縛喜戴不勝謹啓

謝敕賚銅供造善覺寺塔露盤啓

臣諱啓王書陳僧聰奉宣敕旨垂賚銅一萬三千斤
供造善覺寺塔露盤是稱邗陽之珍寶亦昆吾之瑤
燥濕無變九市見奇寒暑得宜六律成用况復神龍
負子光斯妙塔金鳥銜帶飾茲高表函谷恥其詠歌

臨淄恧其祥應陽燧合景還譬日輪甘露入盤足稱
天酒辭林本闕心辯又慙徒戴重恩終難陳謝不任
銘荷之誠謹奉啓聞謹啓

謝敕使入光嚴殿禮拜啓

臣諱啓舍人王景曜奉宣敕旨曲垂勞問并使明入
光嚴殿禮拜法身謹奉臣粗蒙恩造明守開恭到遂
以勞屢升淨土風積水厚不足為喻微心悚躍上謝
無辭不任下情謹啓事謝聞謹啓

謝敕使監善覺寺起刹啓

臣諱啓伏見敕旨使監作舍人王曇明才官將軍沈

微御仗吳景等監看善覺寺起刹事爰奉聖恩曲降
神力命斯執事修茲長表寶塔雲構無待喜園水精
特進非差龍海大龜持泥未足為盛鷲鷲引繩方斯
取瑀仰瞻慈渥喜戴不勝俯循宿願私增滄噎不任
銘荷謹奉啓謝聞謹啓

謝御幸善覺寺看刹啓

臣諱言即日輿駕幸善覺寺威神所被金表建立槩
泰清而特起接庫樓而上征既等湛然長均淨土方
為佛事永利天人頂荷之誠臣百恒品不任下情謹
奉啓事謝聞謹啓

敕答

梁武帝

汝所營建慈悲寶刹諸佛威神不營多功纔欲運力
即便豎立幽顯欣仰我亦隨喜不得與汝同共瞻拜
此以為恨耳越敕

謝敕賚錢并白檀香克法會啓 簡文帝

臣諱啓傳詔奉宣敕旨以臣明法會垂賚錢二十萬
白檀薰陸穢香各十斤黃紙詔書先開泉府青雲好
氣次集桂宮貨重文龜芳踰麗草散金廡下止及軍
吏積穀克家纔班親族未若資此良田方開五蓋入
茲法度長出四流假詞敬祖尚慙難述借辯君卿猶

知非謝不任荷戴謹啓事以聞謹啓

謝敕賚柏刹柱并銅萬斤啓

簡文帝

臣諱啓傳詔呂文強奉宣敕旨賚臣柏刹柱一口銅一萬斤供起天中天寺九牧貢金千尋挺樹永曜梵輪方興寶塔夏羞神鼎晉恩相風使福被域中功提無外臣以庸愚稟承勝善樂受遍心思光動色銘荷之誠無詞啓謝不任頂戴謹奉啓謝聞謹啓

千佛願文

簡文帝

蓋聞九土區分四民殊俗昏波易染慧業難基故法身寂鏡有照斯感滌無明於欲海度蒼生於寶船或

輕慈導捨薄笑牽悲曲豔口宣斜光頂入自鹿樹表光金河匿曜故像法衆生希向有形雖千聖異跡一智同塗第子某甲久沒迷波長流苦沫不生意樹未啓心燈而蓋生一念敬造千佛雖復無上無爲極相難辨非空非有妙智誰觀而紺髮日光蓮眸月面庶可長表誠敬永寄心期

爲人造丈人夾紵金薄像疏

簡文帝

比丘某甲敬白竊以慧日潛影慈輪罷應業逐惱飄愛隨情熾徒愍云珠抱名珍而弗悟眇歎葉金惑空言而啼止自非表茲勝業樹彼妙緣何以去此心堂

移茲身窟故水精龍塔永愴恨於遺髡明鏡石龕獨
徘徊於留影某甲久發誓願遍為六道四生造來紆
丈八佛像一軀年月已流因緣易奪常恐暫有之身
忽噴畫水還無之報颺爾電光今便建立誠心遂茲
本誓使聚月見容金山表跡見形善發聞名惡捨拔
六根之痛惱去五燒之焚灼但四寶屢空七財多匱
仰雙蓮而獨慨觀萬字而無由儻能薄離五家微捐
四事結此冥慈共成因果則素艷之功非唯昔世散
華之報方驗來緣語善無奢在言多而愆謹言

與僧正教

簡文帝

此州伽藍支提基列雖多設莊嚴盛修供具觀其外
迹必備華侈在乎意地實有未弘何者凡鑄金刻木
鏤漆圖瓦蓋所以仰傳應身遠注靈覺羨龍瓶之始
晨追鵠林之餘慕故祭神如在敬神之道既極去聖
茲遠懷聖之理必深此土諸寺止乎應生之日則暫
列形像自斯已後封以篋笥乃至葉服離身尋炎去
頂或十尊五聖共處一廚或太士如來俱藏一櫃信
可謂心與事背貌是情非增上意多精進心少昔塔
裏紅面止傳舍利象頭白繖非謂全身夫以畫像追
陳尚使吏民識敬鎔金圖範終令越主懷思匹以龍

阿尚能躍鞞方之虎兇猶稱出神況復最大圓慈無
 上善聚聞名去煩見形入道而可慢此雕香蘊斯木
 檠絨匿玉毫封印金掌既殊羅閱久入四天又異祇
 洄掩戶二月寶殿空臨瓊階虛敞蜜帷不開非仲舒
 之曲學紅壁長掩似邠卿之避讎且廣厦雲垂崇臺
 鳥跂若施之玉座飾以金鈿必不塵靄日姿虧點月
 面琉璃密窓自可輕風難入龍鬚細網足使飛燕不
 過兼得虔敬之理必崇接足之心彌重可即宜勸永
 使准行

與廣信侯書

簡文帝

綱白闊絕音旨每用延結風嚴寒勁願比怡和伏承
 淨名法席親承金口辭珍鹿苑理愜鷲山微密秘藏
 於斯既隆莊嚴道場自茲彌闡豈止心燈夜炳亦乃
 意蘊晨飛思理弘明本長內教今陪十善之車開入
 正之路流波若之水洗意識之塵以此春翹方為秋
 實綱每憶華林勝集亦叨末位終朝竟夜沐浴妙言
 至於席罷日餘退休傍省攜手登臨兼展談笑仰望
 九層俯窺百尺金池動月玉樹含風當於此時足稱
 法樂令卷惟之部乘傳一隅聞慧雨滂流喜躍克遍
 徒仰懸河無由承稟空無所有不瑩情靈緣癡有愛

自嗟難拔兼下車已來義言蓋少舊憶已盡新解未
餐既慙口誦復非心辨永謝寫瓶終慙染豔是則慈
雲既擁智海亦深影未波餘希時灑拂但睽違轉積
興言盈臉願加敬納言不宣心謹白

與慧琰法師書

簡文帝

五翳消空韶光表節百華異色結綵成春道體何如
恒清宜也對翫清虛既在風雲之表遊心入理差多
定慧之樂弟子俗務紛紜勞倦特深睠然北嶺欽賢
已積會遇之期庶必可辱有緣之儔事等飢渴仰望
來儀一日三歲想思弘利益理當無爽指遣此信無

述守襟綱和南

又

且來雨氣殊有初寒攝衛已久轉得其力雖他方法
界略息化緣祇洎之裏恒有語對眷佇之深無時不
積久因倩師頻述方寸不知巧笑之僧頗為津及不
耳前昨已來微事蟻聚龍象畢同應供皆集慧炬開
心甘露入頂聞之善謔持盡歡怡想味之懷轉復無
極昔在幼年經聞制旨受道日淺比面未深雖異禪
那事同華永今段西下特蓄本心訪理質疑屬在明
德不謂般若留難現疾未瘳問津無地歎恨何已伏

承輿駕尋幸伽藍莫於此時得一觀止辨論青豆之
房遣葢赤華之舍追往年之宿眷述卽白之寸心此
事此期必冀非爽指遣承問佇有還書綱和南白

答湘東王書

簡文帝

暮春美景風雲韶麗蘭葉堪把沂川可浴弟召南寡
訟時綴甘棠之陰冀州爲政暫止褰襜之務唐景薦
大言之賦安太述連環之辯盡遊翫之美致足樂耶
吾春初臥疾極成委弊雖西山白鹿懼不能瘡子預
赤丸尚憂未震高臥六安每思扁鵲之問靜然四屋
念絕修都之香豈望文殊之來獨思吳容之辯屬以

皇上慈被率土甘露聿宣鳴銀鼓於寶坊轉金輪於
香地法雷驚夢慧日暉朝道俗輻湊遠邇畢集聽衆
白黑日可兩三萬獨以疾障致隔聞道豈止楊僕有
關外之傷周南起留滯之恨第十三白始侍法筵所
以居長近還未堪執筆敬祖前邁裁欲勝衣每自念
此愍然失慮江之遠矣寤寐相思每得第書輕病遣
疾尋別有信此無所伸

寺刹佛塔諸銘頌

枳園寺刹下石記

沈約

佛教東流適未尤著始自洛京盛於江左晉故車騎

將軍瑯琊王劭玄悟獨曉信解淵微於太祖文獻公
 清廟之北造枳園精舍其始則芳枳樹籬故名因事
 立雖房殿嚴整而瓊刹未樹邵玄孫尚書僕射南徐
 州太中正奐深達法相洞了宗極勤誠外著仁隱內
 弘食不過中者一十載雖翼務朝端而事隣宗園
 日者作翰湘州樹麾蠡服位與年升秩隨歲厚顧惟
 恩隆主盼寵結皇情任處東方寄深外屏徒欲盡能
 竭慮知無不為下被民和上宜聖澤而自以力弱途
 遠終慙短効且義止今生報蹇來果非所以酬鴻貺
 於冥津暢丹誠於遐劫自乘傳衡臯辭簪派渚誓於

舊寺光樹五層捐割潘俸十遺其一凡厥所收三千
 有六萬齊之永明六年六月三日蓋木運將啓之令
 辰上帝步天之嘉日乃抗崇表於蒼雲植重局於玄
 壤仰願宸居納祐福履攸歸八神驚室萬祇翼體寶
 祚隆邈比固須彌靈筭遐永齊軌常任諸聖延祥挹
 天和於少極藩王碩茂播宗英於梁楚羣后流克讓
 之風庶民垂可封之德含生愷樂物不天性嘉穀年
 登餘糧栖畝夷荒由附邊城解柝家備十善人懷六
 度魔衆稽顙外道屈膝抽薪止火折劍摧鋒拯幽酸
 於無擇陟神化於有頂三界五道咸同斯願刊石重

壤式昭厥心

齊竟陵主題佛光文一首

沈約

夫理貫空寂雖鎔範不能傳業動因應非形相無以感是故日華月彩炤曜天外方區散景咫尺塵方太祖皇帝濯襟慧水凝神淨域厭世珍陞遷靈寶地竟陵王諱泣明臺之下臨慟高山之方遠慕餅主戀情殷雙樹永惟可以炳發神功崇高妙業莫若式金寫好資巧匠傳儀以皇齊之四年日子敬制釋迦像一軀尊麗自天工非世造色符留影妙越檀香俾穀林之恩永旌於萬劫用刊徽迹式垂不朽云爾

彌陀佛銘

沈約

法身無象常住非形理空反應智滅為靈窮寂震響大夜開冥眇哉遐壽非歲非齡物愛彫彩人榮寶飾事儉欲興情充累息至矣淵聖流仁動惻順彼世心成茲願力於惟淨土既麗且莊琪路異色林沼焜煌靡胎靡娠化自餘方託生在焉紫帶青房眷言安養興言遐適報路雖長由心咫尺幽誠曷寄刊靈表述髮髯尊儀圖金寫石遺沱玉沙乍來乍往玲瓏寶樹因風韻響願遊彼國晨翹暮想七珍非羨三達斯仰

瑞石像銘

并序

沈約

夫靈應微遠無迹可追心路照通有愆斯順我皇體
 神御極挹睿臨乾幽顯成奏無思不服若失二儀叶
 德五精翼化下洞淵泉上達蒼昊天無息瑞地不降
 祥十住髣髴於林衡應真盼嚮於清夜素毫月舉騰
 光於梵室妙趾神行布武於椒殿至於事符緝謀既
 表禎圖無不雲霧委盈簡被策莫黑三距眇千齡
 而再現曷露淳腴望鳳蓋而沾陞此皆舜日未書堯
 年罕降豈直朱鳥動色玄柜相趣而已哉嘉玉遠自
 北戎梁弱水而委質潤徹瓌奇曠世之所不覩白金
 近發東山剖幽巖而啓端傍被崖巘鴻靈之所未刊

雖復素環之絕貺燭銀之瑤寶萬斯幾如也若夫金
 石具剛非游泳之質自非需德潛衍感極迴靈豈變
 堅沈之體顯輕浮之相維永明七年某月爰有祥右
 眇發天津浮海因潮翻流迴至表異浙河獻奇禁圃
 瓊瑜等潤精金比色帝上眷幽關之易啓咨玄應之
 無方雖拊事寂寥而因心思尺愛其貞恒之性嘉其
 可久之姿莫若圖妙像於檀香寫遺影於祇樹乃詔
 名工是鑄是琢靈相瑞華煥同神造至於雕削之餘
 遺刊委斲方圓小大觸水斯沈駐罕停蹕親加臨試
 良由法身是託不溺沉弱之淵剖析既離方須浮金

之水至矣哉禎符若斯之妙也敢銘寶貺永福天人其詞曰

遙哉上覺曠矣神功四禪無像三達皆空表靈降世演露開蒙惟聖仁宇寶化潛融道非迹應事以感通沈精浮質遠自河葱悠悠且水眇眇因風泛彼遼碣瑞我國東有符皇德乃眷宸衷永言鷲室栖誠梵宮載雕載範寫好摛工藉茲妙力祚闡業隆冕旒南面比壽華嵩

釋迦文佛像銘

沈約

積智成朗積因成業能仁爽感將吼妙法駐景上天

降生右脅始出四門終超九劫眇求靈性曠追玄軫道雖有門迹無可朕物我兼謝心行同泯一去後心百非寧盡感資理悟或以言陳言不自叩出之者身有來必應如泥在鈞形酬響答且物且人應我以形而余矇瞽守茲太夜焉拔斯苦仰壽靈相法言攸吐不有尊儀愛焉誰覩

千佛頌

道有借適理無二歸照寂同是形相俱非于覺俯應遙叩冥機七尊緬矣感謝先達既過已滅未來無像一刹靡停三念齊往不常不住非今非曩賢劫雖遼

條焉如響栖林藉樹背室違家前佛後佛迹罔隆窳
 或遊堅固或蔭龍華能達斯旨可類恒沙性性羣有
 均此妙極先晚參差各願隨力密跡弘道數終乃陟
 誓觀來運永傳今識

彌勒讚

乘教本一法門不二鄴基累明功由積地眇眇長津
 遙遙遐轡道有常尊神無恒器脫屣王家來承寶位
 慧日晨開香雨霄墜藉感必從憑緣斯至曰我聖儲
 儀天作貳尚想龍柯瞻言思媚鐫石圖徽雕金寫秘
 望極齊工舉光等邃超矣福臻融然理備敬勒玄蹤

式傳遐懿

繡像題讚并序

維齊永明四年歲次丙寅秋八月己未朔二日庚申
 第三皇孫所生陳夫人含徽宅理炳慧臨空結言寶
 位騰心淨覺敬因樂林寺主比丘尼釋寶願造繡無
 量壽尊像一軀乃為讚曰
 表相異儀傳形匪壹鏤玉圖光雕金寫質亦有淑人
 含芳上律絢發綺情幽摛寶術縹文內炳靈姿外溢
 水耀金沙樹羅瓊實現符淨果來膺妙秩毓藻震闡
 騰華梵室有億斯年於萬茲日

光宅寺刹下銘 并序

光宅寺蓋上帝之故居行宮之舊兆揚州丹陽郡秣陵縣某鄉某里之地自去茲邠亳來儀京輔拓宇東第尺武城闡聖心留愛閑素遷負南郭義等去艷事均徙鎬及剋濟橫流膺斯寶運命帝闡以廣闢即太微而為宇既等漢高流連於豐沛亦同光武眷戀於南陽思所以永流聖迹垂之不朽今事與須彌等同理與天地無窮莫若光建寶塔式傳于後乃以太梁之天監六年歲次星紀月旅黃鍾閏十月二十三日戊寅仲冬之節也乃樹刹玄壤表峻蒼雲下洞淵泉

仰追星漢方當銷巨石於賢劫拯未來於忍土若夫朱光所耀彤雲所臨非止天眷兼因地德皇帝乃啓扉闡闔造舟淮浹接神廳而動駭越浮梁而逕度芝蓋容與翠華歲蕤下輦停蹕躬展誠敬廣集四部揆景同蔬弘此廣因被之無外同由歎路俱至道場乃作銘曰

八維悠闊九服荒茫靈聖底止咸表厥祥壽丘譖譖電繞樞光周原膺膺五緯入房自茲遐奠在處弗亡安知若水寧辨窮桑自天攸縱於我惟皇即基昔兆為世舟航重檐累構迴刹高驤土為淨國地即金林

因斯太極溥被翱翔豈徒三界寧止十方濡足萬古
援手百王一念斯答萬壽無疆如日之久如天之長

栖禪精舍銘

沈約

此寺征西蔡公所立昔厠耆摩預班經創之始今重
遊踐鑿舊與懷故為此銘以傳芳迹在郢州永徽三
年歲次某時某月某朔某日子巖靈旅逸地遠栖禪
蘭房葺蕙嶠薨架煙南瞻巫野北望淮天遥哉林澤
曠矣江田空心觀寂慧相淳筌眷惟斯踐愴屬遐年
游仁厠遠宅賞憑旃頌創神苑陪構靈椽瞻禁拓圃
望鸞疏山製石調響栖理凝玄曠移羽旆眇別松泉

委組東國化景西蓮巒隰夷改蓬蔞粗遷重依漢遠
復逐旌懸往舜妙幄今承梵筵八翻海鶴九噪巖躡
珮華長掩懋迹空傳式籍雲拱敢告祥緣

音釋

繖 蘇旱切 織絲也 嗤 尺之切 擘 皮變切 悚 息拱切 康

尼 輒 賚 郎代切 欄 音鹽與 戾 郎計切 耶 女九切 耶

燧 音遂 陽燧 埒 音劣 齊 穢 則前切 緇 台呂切 櫃 求位

也 鞞 音笑 刀 兕 徐姊切 一 柙 胡甲切 檻 也 邠 布巾

厦 音萌 屋 睽 乖違也 瞼 音檢 目 睭 古倦切 詭

